



Deddf Rheoleiddio ac Arolygu Gofal Cymdeithasol (Cymru) 2016

2016 dccc 2

RHAN 7

GORCHMYNION SY’N GWAHARDD GWAITH MEWN
GOFAL CYMDEITHASOL: PERSONAU ANGHOFRESTREDIG

Darpariaeth atodol

173 Safonau ymddygiad

- (1) Caiff Gweinidogion Cymru drwy reoliadau ei gwneud yn ofynnol i GCC benderfynu ar y safonau ymddygiad a ddisgwylir oddi wrth berson sy’n cyflawni gweithgaredd rheoleiddiedig.
- (2) O ran GCC—
 - (a) rhaid iddo gadw’r safonau o dan adolygiad, a
 - (b) caiff newid neu ddisodli’r safonau.
- (3) Rhaid i GCC gyhoeddi—
 - (a) y safonau, a
 - (b) os caiff y safonau eu newid neu eu disodli, y safonau sydd wedi eu newid neu’r safonau newydd.
- (4) Rhaid i GCC drwy reolau wneud darpariaeth ynghylch y weithdrefn i’w dilyn wrth benderfynu ar y safonau.
- (5) Caiff rheolau a wneir o dan is-adran (4), yn benodol—
 - (a) gwneud darpariaeth ynghylch y meini prawf y penderfynir ar y safonau drwy gyfeirio atynt;
 - (b) gwneud darpariaeth ynghylch y trefniadau ar gyfer cadw’r safonau o dan adolygiad.